

取女

隅

集

嫺隅集卷三

上海 趙文哲 損之

己丑元日同述菴至螺峯圓通寺禮佛用東坡同

游羅浮道院及栖禪精舍詩韻

白髮又一年風波幸初揭曉齋足音絕靜玩爐煙細昨  
夢了無痕非來亦非逝相攜訪名藍因巒疊雲砌入門  
禮圓蒲悲涕滴征袂病葉依孤根傷禽護餘毳亦知天  
地間金石尙同弊倘乞去一袈裟聊與娛晚歲蓋頭把  
香茅被體擎芳荔南中春早融帶雪秀蘭蕙不待桃花  
紅已覺隔塵世嗟此叢垢軀佛香爲除禊天親與無著

豈必皆兄弟再拜叩導師吾駕何時稅

早春昆明池眺望作

極目煙波萬頃寬汀花堤柳帶餘寒環城諸水春方渙  
夾岸羣峯曉自盤白雉幾時通貢使碧雞何處問祠官  
漢家戰艦空殘劫此地乘槎客到難

宿雲濤寺浴溫泉用東坡白水山佛足巖詩韻

汗漫萬里游重繭積尻股神觀靈瘴烟我命輕一羽偶  
然宿初地埃垢僧所吐靈區有漏泉湧涌石難補佛悲  
五濁界灌頂潑瓊乳何人引上池軒裳費斤斧華清玉  
蓮花視茲真糞土一浴沈疴蠲再浴珊骨舞信知丹砂

功火候異文武歸來蛻禪榻四大等駢拇一燈耿青熒  
空濛散香雨清恬轉無夢伸脚聽粥鼓十年困風塵休  
假亦城府願求作湯沐巡衛煩啞虎濯纓兼濯足漁父  
莫或侮庶以娛景光暫駐離弦弩天公聞大笑六博爾  
試賭麻姑抓背癢妄想問予取生世已多幸得作窮塞  
主行行向哀牢逍遙比縣圃

老鴉關道中

老鴉關外夕陽低人逐歸鴉樹杪齊山帶岢嶲盤自北

甸分瓊琤扼迤西松枝團翠交春戶

滇俗新年門外皆插松

豆莢

蒼青出臘畦

歲前蠶豆已上市

纔聽雷鳴三日後梯田高下盡

翻犁

梯田以形似落猴雷雨而耕故又曰雷鳴田

### 蘭滄江鐵索橋

博南青插天一往勢雄霸何年巨靈掌斬然劈西華薄  
薄九地底竟使裂微罅聖媧石難補刳灰與波瀾覆  
爾空驕終古限夷夏傳聞漢丞相師行整以暇飛梁構  
山材輪般見應詫橈楫所不通功豈在禹下厥工或易  
朽屢作亦屢罷金與木相勝其理本代謝途有白足僧  
橋以鐵索如於明成化中僧了然願得佛錢貫聚茲六州鐵爐火燭昏  
夜擊橐聲如雷百鍊斯入化化作香茅柔索絢勤旅亞  
節節蛇骨蛻差差鵲羽駕乙乙鎖啣環翹翹弓弛弛兩

崖石如牛穿繩出其胯覆以廿三楹排列水上榭驕陽  
雜淫雨行者得所舍往來枕與席朝暮途還逐翻憶橋  
未成喚渡輒諧價失船忽藏壺度索或去架招招津步  
喧官私利交射嗟哉呂梁游忠信詎能藉我來千仞崗  
一望吁可怕欲下路千盤猛虎我方跨幸得從橋安便  
擬征鞍卸載謠渡蘭滄臨流獨悲叱

永昌寓舍卽事書懷一百韻寄京師及吳中故人  
萬里程初屆三年跡乍淹力猶衝瘴癘身已混閭閻相  
愧逢梁舉居思卜楚詹坐愁書咄咄臥疾夢譚譚

風何陋哀牢地最炎迅湍飛弩駭亂石淬刀鋸霧煖紅

浮箒烟昏綠繞桄，漂搖蕙掛蛭擁腫。樹藏蚶廢堡，塙攢刺荒衙。屋覆苦冬畚，雷競競夏岫。雪霰霰林密，稀窺景嵐濃。屢送禴，四時涼燠互。一日雨晴兼，況值軍興久。類聞戍守添，傳符荆屬粵。馳檄蜀通，黔陽廣韻作蜀陽市價騰。

芻秣邊儲雜，菽糠轉輸連。下邑勸勉徧，窮簷路險舟。轅絕城巖節，鉞嚴材官紛。檠戟文士競，韜鈴僧舍除。庖湊氓廬借，釜鬻授餐真。襍沓供帳極，叢織量俞沽。邨釀論銖，鬻井鹽寸牋逾。重錦尺布抵，輕縑照壁松。枝炬傾甌麥，顆飴不緣勤。撫恤何以免，危貼地主誰承乏。天涯且屬，糜豬肝人肯累。蝸殼我寧嫌，頽翮嗟栖幕。驚鱗幸脫

羣迂疎招詬厲放浪付姸娑食至疑逢蠱悲來似發疴  
鄉心彌惴恍旅話自隅險者舊吳中盛風華海內雷承  
家餘研削求友得針砭于野才偏聚斯文任敢謙知名  
緣鯉素哥興託貂襜學必崇純樸言還絕僞諛正聲刪  
促節法服破輕襪貞梓原從經文瑤亦受礪刈蕭蘭郁  
郁芟稗稻稽稽砥柱瀾須障傳薪火未爇鐘暗桐使應  
磁熱介能黏砭砭忘殮寢依依共苦甜開園偕躡履閑  
閑對施幃茗淪明養槐香分斷漆奩靜看春盎盎閑覺  
晝厭厭汲古情斯縱探幽意詎廉靈崖青婀娜震澤碧  
澶滌大小尋雙渚東西訪兩崦軟輿穿曉竹短艇繫秋



蕪蕪盃連波貯菰筐帶露釀廚珍都水族饌法半湯爛  
跌宕燈重翦勾留鼓再歎翻孟容汚袖捧硯試題韞辯  
逞雕龍口談掀磔蝟髯世人應共嫉吾道豈終潛梧藹  
初停鳳竿修遂上鮎田間先釋屨日下各乘轅瑣闥鏘  
垂珮玫瑰墀滴漏籤丹泥封尙濕紫頰削頻尖周雅歌差  
馬秦風咏載獫每秋陪扈蹕幾輩許提槩斷澗圍犇鹿  
平原逐突獫衝颺鴛落殼赴響雉投籤列幢榮頒肯歸  
裝詫積臘班仍趁鷓鴣歲忽換烏蟾勝侶多多善清游  
處處怵銷寒移密室道暑就長欄唐寺評花擔燕臺問  
酒帘壯懷從落素抱忍恹恹聚鐵翻成錯銘金竟失筭

戎行承譴薄參佐藉謀僉尤悔人難寡疵瑕俗競擣由  
來稱俊達所往被汙澗放逐愁形槁譏讒痛骨鏹書騰  
梁苑獄章飲朔方鉗辱極中山牘哀深太史闕索琴詞  
欸欸憶鶴淚濺濺廢棄予猶幸栖遲趣轉恬茲行殊汗  
漫回想尙訕澹遷客如蛩駘

謂遠  
菴

同心比鰈鵲三楹纔

賃屋一桁旋釣簾垣矮峯爲障階虛水出湓當關無小

鵲支榻有枯蠅病久知宵永眠遲愛日遲園葭惟上黨

芳尤少於簪

從廣  
韻

薏粥僮能糝芹菹僕解醢勤常調葯

餌懶更疊芸幟落滑宜高屐梅橫礙側帑偶然行得得  
聊爾喜沾沾獨有孤衷鬱終期醜類殲笳音晨自聽星

象夜頻覘推轂元臣出揚旌屬國瞻先聲驅熒燹宏願  
靖黎黔盪決去矛鏢飄揚貝冑綬滇濤沈斷梗崑燄燎  
荒焚寶井亡殘幕金樓失破闕夾砧啼偃僂繫組狀髻  
鬢蛇豕棱威掃梯航化澤漸風駿歸壠輓霜劒治耕鎌  
抱牘籌空借磨崖筆試拈腐儒搔白髮幾欲訊蓬占

和東坡謫居三適詩並次其韻

旦起理髮

薤髮信一快垢蝨失所宮如刈綠坡草厥頂留疎松吾  
衰更種種畏此冷櫛風兼旬始一理略使紉結通晨興  
窻日上觀隙嗟匆匆僕閑輒有請布簾垂再重自顧成

病馬圉人爲梳鬣未能滾塵沙適與肥疥同裏頭就吾  
榻欣少殘客逢徐徐飯及午我將署睡翁

午牕坐睡

我睡異老坡不用几安肘身疲稱圓椅一倚非我有靜  
中神觀清斷續妙不久丹田自溫溫渾忘足與手生未  
解飲趣於此遇醇酒庶幾散幽憂苟延瘴鄉壽本無雕  
飾姿甘作予也朽謂修熊鳥術我豈辭不受試問清淨  
身詎藉浴除垢無夢寧有蜨絕倒漆園叟

夜臥濯足

勤滌易搖齒勤澣多敝襦如何滄浪濯得免重脰憂旅

居暮春者風林鳴鶉鷃城南涌珠泉符調無停留烹泉  
不爲浴松颺愛颺颺小奚具瓦盎輒持吾足投磨腹牛  
脫輒刷翎鳥離鞴其樂在浴罷裹被蒸浮浮正恐快意  
時中寒疾難瘳焉知沐而冠化猿非此猴

家雲松太守聞予赴滇馳書慰問並示近句云遂  
令日下無名士却喜天南有故人比予至永昌  
浹月而雲松尙滯留騰越感時念舊卽用人字  
韻作四章報之

瘴雨炎風百五春八千里外對牀人便同把酒愁無那  
況遣挑燈影獨親帶甲關山迷遠夢加餐書問感閑身

相逢未必還相識骨相虞翻一倍屯

蠻語居然入幕賓六張五角事休論更無老淚沾岐路  
剩有餘生累故人病馬嘶風愁折坂荒雞號雨耐蕭晨  
佩刀澁盡霜華影猶向牀頭作響頻

舊是金門索米臣升沈雖判總勞薪魂收斗極哀元叔

耳塞韶華悵景真

來書言在粵西時竟無一人可與言詩者

顧我遠留懸磬

室感君獨作望雲人蘆笙鳴咽蘭江路又見天涯上冢

辰

日下天南句有神驪珠十四淚攪勻世皆欲殺公言過

夷尙思居我氣馴息壤空留青嶂好

聖松昔言歸田之日當買張氏青山

莊別業爲居並  
有分宅之約

菟裘未卜白頭新安邊樓畔悲歌動誰

道初明是恨人

寓齋雜咏四首用東坡小圃五詠詩韻闕其一者

適得四事且坡翁枸杞一篇用韻稍汎濫故佚  
之也

龍井茶

多病戒茗飲如塞漏卮底豈知沃玉池能引無源醴佳  
茗比佳人香味蘭竟體想見雲芽滋井華流泚泚孕靈  
自天目論品欲祧禰我無字撐腸日午忘乞米有客餉  
都簋白璫封自啟益津舌有本蠲渴肺無柢風從兩腋

生塵已十斛洗寧羨賜頭綱闔門煩拜稽

薏苡粥

載書詎爲貪兼兩乃惑人滿車薏珠子適以戕厥身我  
衰薄梁肉朱門避振振謫居苦無俚自冬倏徂春龍泉  
手親汲松毛炊作薪愛茲玉顆顆其性清且醇瓊飴調  
一色細漉從受辛禦瘴豈爾力作甘斯我珍一飽重三  
嘆餘味徒津津不見哀牢城萬家釜生塵

當歸酒

卜居果何從比覺醉鄉好聊復一中之我將娛我老蠻  
方乏酒材釀法頗草草其味薄且利旣醉輒丁倒昨貯



一甕雲室隅略除掃文無本常品浸潤功可寶經時轉  
清冷入盜漾文藻元關驟生溫大宅漸回槁此樂心自  
自知傳語長安道倘復寄遠書識我當歸早

菹豆饅

學圃知辨菹菹豆白最良蔬材與穀屬兩者合不傷憶  
昔露棚底里老談興亡登盤愛鄉味青青莢何長歲秋  
落其實亦佐園果荒作客今苦飢無人乞櫝柳

用劉穆之事

特此作晨羞何啻僊人糧瓊粢印新樣綵餽含寒香愧  
非詩中豪題字搜枯腸玉纖出芳飮忽思老孟光

送張司馬

煥還辰州任

使君三吳秀好修服蘅萑蒼然八尺姿真氣動湖海楚

南分郡符荒城萬山礪

司馬駐永綏所屬皆苗砦

峒苗蟻蝨微間可

穴堅鎧行旌載霜威扇以仁風凱馴擾同家兒春耘競

序乃我昨過辰谿頌聲聽囉唻知君久被檄南征枕矛

鋌蘭滄水淫淫哀牢峯磊磊瘴霧蒸青紅冬夏亂花蕾

相逢黯魂銷旅話趁宵朏小醜稽天誅如魚沸鼎鼐平

生志請纓靡及懷亦每朝來忽告行寒暑離已載忘憂

背護樹比潔咳蘭采屈指解糲筵衙齋舞衣綵樂事喻

遷官何啻賈三倍轉想來訟初淚濕朱顏浼我聞漢毛

生色喜祿養逮夷吾天下才敗軍有母在況君材幹練

賢勞冠牧宰及瓜承

國恩豈曰戰陳餒所悲放逐臣新火始逢改借籌慚自  
前負米苦不待臨岐重告哀庸以風官案

論奕一篇戲贈奚明府

寅卽送其歸鄆縣任

平生不善奕奕理我頗矚與君日坐談敢云矢弗告業  
爲局中人志豈亂鴻鵠勝敗兩欣然此語聊避俗論奕

厥有旨

班固作奕旨

首誠齊宣欲疆場幸無事整暇署部曲

意固不在戰泠泠散楸玉一旦逢寇鈔步伐素已勗揚  
兵或白晝列陳樹旗纛潛師或昏夜銜枚捲弓韜或爲  
得子計入穴歷阬谷或爲餌敵謀夾道委米粟眞見臨

事懼欲進翻躑躅紋枰尺有咫餘地門蠻觸縱橫如有  
神險阻失秦蜀將母枯槁子亦與飽晨蓐不爾失所憑  
活虎坐受梏我心知其然十指恨拳局偶作袖手觀幸  
免遭卿毒昨聞瓜期及匆匆戒隸僕傾蓋語無端贈策  
意有屬我詩雖近戲陰符或未錄他時訪三湘琴閣翦  
官燭相將話殘劫一醉酈湖醪

將至騰越過高黎貢山絕頂分水關磴道危峻俗  
所稱五十三參也用東坡行瓊儋間肩輿坐睡  
夢中得句云云詩韻

滇南萬里游十嶽蟠胷中豈知奇未縱激矢留滿弓昨

過怒江來衆峯塞高空一峯壓其頂義輪悲路窮負薪  
者誰子疑是折臂翁言此古戰場白晝逢鬼雄峯岩關  
門險分水兼分風戍荒埋斷礮寺塌欹缺鐘泥滑石更  
滑日暮行未終力疲失家僕魄駭攜蠻童蒼然一回顧  
天際游羣龍造物怪頑鈍弄險驚衰容可憐臣精銷有  
語不敢工何處殷上雷作脚底臨蛟宮下山卽龍江

得兄弟書却寄仍用前韻

身落百蠻外淚盡一紙中迢迢六七載

別兄清  
泉七年  
弟禮叔  
南歸亦

六年  
矣

悲哉彈脫弓曰予撓世網無處逃虛空一篇瀧吏

行途與詞皆窮昔聞馬少游論感矍鑠翁吾衰況無官

久爲斷尾雄東坡約聽雨西陵吟遇風回頭事如夢誰  
打一杵鐘書來作何語雍伯求無終時將爲先君營葬地稽首乞  
天慈九原從偶童巢有返哺烏冢有返葬龍生死慙異  
類鍼孔難自容淵也學初嗜淑也織漸工持謝好兄弟  
終焉同畝宮

贈錢冲齋觀察

交衢欲語苦無端暇卽相尋卜夜闌萬事信天居我易  
一人知己得君難身經戰陣頭須換話到流亡涕淚彈  
帝遣巖疆來鎮撫宜勞豈獨在平蠻君奉命駐騰越

秉淵書來知念南孫已牙牙學語能呼乃祖矣喜

而有寄用東坡借浴罷賀子由生第四孫斗老

韻

去年汝挈婦暑雨被櫛沐到京纔信信報我長孫浴試  
啼頗非凡摩弄往而復翻危逆旅中塌圯驚母腹天假  
三日緣過戶喜失足南遷百無戀念之淚棲目曷解汝  
母憂藉此在抱玉一硯汝所守寶逾二頃沃想見晚塾  
散諸稚競騎竹時秉淳秉治初上學第五亦能學步矣中有牙牙者姆教  
聽初熟呼我詎識我笑比蒙求讀萬事不掛口三年如  
轉矚加餐與爲善二樂歸可卜含飴吾將老汝其作家  
督

孫補山同年來永昌握手黯然感而賦此

雲盤壁壘日翻旗中有窮交話雨時投筆從戎君自壯  
班荆言復我翻悲容顏已恐勞驚問門戶先聞仗護持  
此手曾教書牘背磨崖事重定哀推

予在騰越日陪定邊將軍雲巖先生軍幄因得窺  
先生之深識偉略有非尋常所能見及百一者  
因成七言四章奉呈庶先生之領其言也

名世天教間世生早從家國卜維楨身承舊學周臺閣  
胸切先憂富甲兵籌筆十年紓

北顧建牙萬里寄南征誰知補袞周山甫百戰勦勞答



聖明

幕府森嚴晝漏沈  
周咨人盡快抒忱  
事看屐履間皆協  
恩在都俞外更深  
征虜歌壺非遣日  
士行竹木總關心  
平生志略華夷動  
表餌原非致獻琛

早歲機庭掌

玉綸專征廿載壯  
猷新人當盤錯思  
前輩

帝謂仔承仗大臣  
埤蟻屯蜂隨地掃  
堞風蒨露扇春勻  
深知李相籌邊遠  
不爲封侯引鏡頻

秀才也遣學從軍  
磨礪弓刀萬馬羣  
每飯見公思敵愾  
平居與我誦先芬  
葛侯詎棄攻心策  
韋相寧裁獻樂文

不獨感恩更知已爲蒼生祝策高勳

嫩隅集卷三

終

己酉四月十日  
男秉淵恭校

姬隅集卷四

上海 趙文哲 損之

黃菓樹歌

黃菓樹乃在騰越州西四十里地以樹名匪今始菓則  
非珍樹頗偉我於樹有一宿緣放筆試作譽樹篇吁嗟  
樹豈二本生胡以必藉千株百株合抱成膠漆之黏鐵  
石固砉然皮肉猶分明干霄原非爾之質蟠根旣大亦  
復直上雲中撐交柯陰籠五畝更十畝密葉雨颯千聲  
連萬聲清颺徐徐不知何處至赤日杲杲自在當空行  
安得道旁列樹去長短亭使我直出萬仞關外無一隅

死兵橫枝忽作盤龍勢龍髯垂垂下至地奇哉樹梢乃  
是樹餘氣復化爲根蔚生意直如懸柱細於繩已見風  
葉一枝兩枝弄清翠我來卓帳日午連宵午自結圓跣  
玩奇古中爲大腹厥象離定有木客來居夜吟苦憐予  
對此難重陳明朝樹亦愁爲薪

樹當軍行孔道  
兵士旦旦伐之

婆婆自

動攀槐歎蕉萃誰知頌橘人

### 南甸道中

稻花香裏逐征旗千里騰衝此一籬守土官輕延數世  
趁墟人遠雜諸夷瀑垂邨屋鳴雞隱樹合溪橋去馬遲  
慙向方塘浣瓊雪初程已苦素衣緇

地有溫泉  
不及就浴

冒雨行老秧田道中啼猿滿山率爾成咏

一峯十萬樹一樹四五猿一猿千百聲雜以風雨喧一日十二時一程三十里一軍六千人盡在猿聲裏爾猿有何悲子啼續母啼爾本斷腸物不關生別離三朝復三暮一鳴更一躍好似征夫苦翻唱從軍樂

過指丹山作

山中老樹蟠九地十日雨衝筋骨露驚蛇快劍斬不斷似鬥而奔盤大路重環宛轉相鉤連密網縱橫自排布可憐凌兢四馬蹄一闖入之重欽銅方拔厥左右更陷旣寔其前後斯仆茲時尻首互鑊掀力盡如絲僨成怒

巖然一躍出重險人馬俱驚不知故淋漓莫辨汗與血  
得就坦塗六七步前林一望吁更怪陰氣積爲三里霧  
腹空出火自摧燒斷折知非一朝暮臥者若闕架者槁  
或躍而過僂而度森森離立億萬株蔓絡藤纏古苔附  
怪禽坐葉猿挂枝一罅人行馬亦怖舍騎而徒我計決  
我馬哀鳴猶我顧一鞭裊裊托我命一蹶一顛稍爲助  
崩崖斗大石壓頂積淖翻漿泥沒胯殘骸敗齒滿坑谷  
人耶畜耶體相互遠聞臭惡近色惡暴之蒸之諸瘴具  
時逢行潦橫阻絕折坂斜坡競趨赴棘針如蝟刮兩耳  
披闢苦無著手處蒙頭掩面拉襍行絳縹惟聞聲裂素

遲捷早知往輒窮途迂豈料來仍誤同是泥中匍匐人  
從井之呼誰應募僕夫追及動隔旬飢吻無聲苦難訴  
我謂爾僕爾勿悲自古從軍視所遇父兄僕射今何如  
裊帳不絕肉不御要令士卒奉心肝挾纊拊循安足數  
只應預想奏凱時躍馬揚旗入關去

僕人以青柑進惜採摘之失其時也感而有作示

劉竹軒給諫孫補山侍讀

幾顆新柑綠未黃居然入手有微香如何一摘當秋雨  
不待千林試夜霜虛擬夷官充貢筐劇憐蠻女費提筐  
羈人自抱非時感忍復金門話共嘗



獨木船十二韻

短艇圓艫製不同煙江盡日橫  
溟濛久徵剡木因觀象  
未藉攻金費考工

船不用一釘

質以載浮淪莫及行非不繫

觸皆通纖頭略擬弓弓月翹尾微招剪剪風疾似魚游  
蓮葉畔低於鳬汎荻花叢惜無帆影隨峯轉喜見篙痕  
映水空客賈問津秋雨後蠻姬爭渡夕陽中坐攜徒美  
差肩好反側眞愁舉足窮到岸豈殊杭葦勢習流終勝  
得壺功縱藏壑亦人趨負若濟川寧汝往凶受得兩三  
胥利涉聯來十五爲從戎諸夷弄槳休誇捷萬斛樓船  
在水東

時在蠻幕大造戰艦  
地在大金江之東

江水大漲移帳緬寺作

終朝行帳竟三遷廢寺偏餘一宿緣萬樹風聲翻屋動

四山電影劃江圓煮來白石僊難學

補山拾文石升許終日攜玩而行案

無三日糧不顧也

燒却丹霞佛定憐

隸卒拆屋為薪漸及佛座屢呵之不為止

尙擬

人天留小果破蒲團上欲潸然

時與竹軒補山誓願重修此寺凱旋時當令新

設夏鳩土司任其事

贈特公

通額

卽送其歸騰越養病

馬上相逢一揖呼定交如此古人無連宵話雨期難準

君每訂子夜話憶在指丹山同行遇雨行帳不至君自

口今宵便當野坐作竟夕談已而同事牽率遂不果

音占星論易誣

時慧星見君每指問五等班中庖不繼

君行廚不至奇  
食於友人處

千軍隊裏病誰扶  
鯉魚風起歸飛好未

必南溟是遠圖

### 雨中渡南大金江

十日蠻雲頽不流  
沙邊老楓水沒頭  
何人作楫利攸往  
此地投鞭行復休  
破寨浮波混魚鳥  
傾厓拍浪迷馬牛  
瘴江萬里滿戈甲  
誰道中有袁宏舟

### 過南堤河新橋

驚湍橋忽涌趨事  
見夷情樹杙排釘  
密編筠布土平穩  
知工不苟寬使客  
忘爭孰誦卬須句  
垂鞭自在行

### 宿南堤河卽事

白沙碧波抱幽渚天與征人養病處

時予病初差  
故行獨後

緣坡

障以老楓樹萬馬中宵自西去無燭無月微有星秋深  
露濃隔帳零溪禽不知有客宿時傍巾履行伶俚坐久  
漸復見諸景對岸雲林致幽迥葦華無風忽動搖知是  
賣鹽夜歸艇

夷人多持鹽  
米出售軍營

炎鷗瘴雨十日淹一夕清境

清而恬且支水枕百憂外萬一夢到江之南

### 有虎

夜午我欲休馬驚僕爭叫言有虎負嵎咫尺瘴霧罩五  
人相戒嚴東炬兩頭燎隱然待大敵我謂安毋躁腰間  
雪色刃先鳴欲離鞘未濺逆會血小用豈無效徐行察

其聲非吼亦非嘯云嗥頗近之差比牛豕鬧樹石了不  
動腥氣灑蓬藿知我已有備拗怒不敢跳久之忽橫竄  
截流尾一掉我非馮河入何由赤手暴螫荒獸所宅山  
虞絕巡徼爾虎象著易眈眈視惟肖應求比雲龍變化  
邁文豹詎徒牙須豪實亦意氣莽特以性難馴靈囿身  
未到浩浩天風從行動震元嶠投畀有不食擇肉恥讒  
媚何至貪且鄙雞蟲肆強剽牙柴恣大爭勃窣競鼠盜  
乃知此非虎醜類竊其號禹鼎旣淪陷益圖失典要山  
林多神姦孰與稽厥貌山君百獸雄竟使羣羊冒我茲  
正其名誕爲有衆告軍中射生手健銳過黃鵠克渠必

先擒快哉一矢報然後聚而殲用我烈山教

次猛拱卽事

江煙江雨捲雙旂蠻寨居然汔小休林下偶逢歸寨馬

軍中失馬者往往於林箐中得之

行間爭飽犒師牛

諸夷頭目迎獻必以牛分給各營一

牛可食五十人

草花泣霧猶含瘴木葉衝飈更耐秋忽憶故園

近重九菊鈴初綻酒新篘

猛拱土司進四象詩

王師征緬次猛拱誕告諸夷爾毋恐誅無赦者篡逆種

緬逆情狀之父喪藉牙本以篡弑得踞其地

爾克共將受

天寵夷官感泣手雙升攜厥配來錦帕攏琥珀作瑱貫

耳孔蠻布花裙名曰桶厥音嘍麗性愚侗苦言鄰寇肆  
牢籠索米求金日苛冗大旱望雲愁蟬螭公今來及秋  
瓜桴無數啼嬰飢得湏岷安田廬魄安豕欲報之德乏  
球珙有馴象四放秋壠兩牙彎環形擁腫願進

闕下誠忤悚重鑄不繫繩五總以肱麾之行接踵弓刀  
如山屹不動曰跪則踈立則竦賜以釁沐江濤洶譬與  
降臣勉萋萋伏流不見背峯聳一躍風雷四蹄湧步伐  
儼然承誠董非鞭箠之駕無罟

九間僊仗環陛拱列象巍峩寶瓶捧諸邦任土歲有奉  
四象寧增玉堦重鑒爾效順志頗勇封章上

聞不汝壅錫以佩囊刀琬琰過望之喜逾得隴

聖清醲化極鴻濛元甲琫戈革包鞬朱波彈丸囊中蠟  
厥考盜兵始作俑子弗幹蠱轉詢詢獸之不如頑且懦  
縛以尺組指以拳萬里頭顧象肩擁象也聞之起而踴

### 夷寨

共指夷官寨高臺見歸如

寨東南隅有臺可登眺

綠枕成納陞圍

柵作周陸複閣藏無閤層欄敞有餘編茅人比潔架竹  
步疑虛當暑曦猶薄非秋雨自疎招涼驅瘴癘就燥隔  
沮洳梵奏旛飄戶毗謠笠聚畚塹邊看放犢楊下聽呼  
豬隔歲囤儲粟迎冬糞蓄殖箱無弓樣履筐貯月痕梳



士司男婦皆徒跣密髮農女花初翦薨童草未鋤依然知室處宛

爾好樓居井汲通江瀨廚煙接市墟但能安彼俗洵足

愛吾廬此地同歌哭他人待掃除我詩稱去蒲葉宜勒

格丁書士司呈蒲葉書一冊共一百三十六頁云傳自遠祖蓋編年紀候之書似合記注時憲而爲之

者字凡三體士司及其屬亦不能通曉夷語呼爲標格丁云

### 得家書二首

臨江欹枕薄疴餘人與秋蟲共一墟茅草蓋頭飛瘴雨

### 自吹爨火讀家書

病疾初聞勿藥徵天涯垂死喜難勝愁他理綫拈鍼手

內子右臂久患風痺來書云近已向愈可拈針矣又爲征衣懸一燈

紀事

幕烏啼處戍無煙佳話軍中萬口傳飛將宵營刁斗外

元戎曉路大旗先

經略傳公身先士卒每率伙飛數十騎前行計里或踰三舍而遙比駐猛

拱旬餘大軍猶未盡達也

燒羊骨卜師行吉

軍中有蒙古人能灼羊骨察其裂紋以占吉凶

時蓋屢試之

卦豕聲徵祀事虔

軍中每祀神用特豕以取血時鳴聲爲降歆之驗蓋舊俗

相沿如此

最是夷官成小隊每隨香象驟絲鞭

鳥獸中鸚鵡孔雀猿象四者皆中土所罕見而夷

地則多有之各賦一詩

鸚鵡

蠻山碧無限碧樹碧於煙日日飛相狎花花舞共妍身

輕棲易穩舌澁語難圓負爾春風意誰調繡戶前

孔雀

共惜焚身易從知斷尾難羽毛天獨假屏障世爭看儀  
物關三錫文章落百蠻何如覽輝者羅網不能干

猿

暮聽朝還聽風吹雨又吹偶看將子處偏在念家時詞  
賦增人感江山助予悲徒誇塞翁筆挂影寫秋枝

野象

是物龐然大居游木石中形先欺虎豹性不嗜雞蟲臨  
陣奔何數當階舞最工莫猜野心在服教獸從同

霧

秋杪山蒸霧冥濛壓早曦薄收餘氣在潦盡舊痕滋驟  
勒飛霜信潛移伏雨期濃連宵露滴暗挾曉雲垂散淞  
鋪茅屋團花著竹籬風輕吹乍定月澹下偏遲甘使迷  
三里欣占霽六時土人言有霧是日必晴聞雞還自起驅馬更何  
之呼影良朋誤尋聲舊僕知頗疑天失曙彌苦路多岐  
漫溯興妖始會聞壓陣奇但令能察候此亦利行師炎  
微時初變晨征力漸衰戰場幸無菊老眼久迷離

南桑澗山行有一溪凡渡十九次

萬樹猿聲滿橫飛一澗鳴九迴腸已斷百折水猶迎漢

節年中淚胡笳拍外聲曾聽隴頭曲垂白更從征

山中古樹多爲藤所束縛所見老栝一株其被困之狀尤怪爲詩記之

老藤不實亦不花厥類亦醜難梳爬攀緣競進出天性竟不愧死蓬生麻吁嗟山中萬年古栝生也直拔地倚天數百尺棟隆之材孔有力自削繁枝與亂格彼藤初亦殊天裊漸成巨絙直且絞作勢上奔肆纏繞乖龍何以無指爪母乃驚蛇燒尾一怒不可拘千縈萬絡到樹杪樹身屹不動無人爲除掃譬諸冠劍偉然古大臣獨立無如慍羣小一藤貼地穴枯根數藤隨之如數人奔

此穴一閉不復出古菹黏處秋無痕一藤與栝不相屬  
橫空盤硬刺栝腹寢處其皮食其肉穿脇而出一何酷  
嗚呼本之不固中太虛授物以隙栝之自防良已疎食  
根者蝥食心騰本非族類我無責未若此藤工作賊誅  
藤栝亦戕斧柯歎何益依附之門孰厲階我先欲呵寤  
雅所稱女蘿施松栢然而此栝雖困猶蔚蔭得非與藤  
合體臟腑同古來操戈者往往居室中當其卵翼之自  
謂我乃若所翁栝乎汝不見澗底枯枿栝至死非藤制  
之曷至此藤旣脫朽骨青青自揚起蔓延又抱南山梓

軍中舊傳埋甕聽遠之法今惟令人於夜靜時伏

地以聽數十里人馬之聲皆有聞焉蒙古語曰  
慶努爾以詩紀之

屬耳何須土甕埋靜中消息動纖埃清宵入定氣初屏  
大地出虛聲自來驟識馬蹄緣歷塊杳無人語或銜枚  
懸燈帳下頻傳問謀使晨馳竚未迴

新街紀事

定策師西下諸夷撫馭中他時毋顧北此地遂徂東

經略

提大兵先由戛鳩西渡大金江既撫定猛拱江西千里  
無後顧之憂乃取道蠻崗而東與定邊將軍阿公會師

於新街

慘澹新街曲蕭條舊壘空雙江流浩浩

蠻暮江自東來匯於

金

一月氣熾熾近接官屯險先資將略雄夾津爭要路

作機勒成功

走邊將軍先駐師蠻寨督造戰艦既成乃放舟南下新街即擊走賊人之守大江渡

口者由是東西兩軍往來如過枕席矣

間道迎偏帥

時將軍伊勒圖前迎經略大軍於哈坎

全軍會上公歡聲千帳合密議一燈同窺穴晴旋鼠當

輪臂奮蟲藏奸深箐裏伺隙收蘆叢敵陋宜輕掠兵疲

利急攻逢剛占日吉入險鑿門凶礮石雷崩雨鎗機電

掣風晝昏煙噴碧水沸血浮紅游釜魚寧活毆林雀已

窮斷艘沈渚葦殘幟委溪茨門歷朝昏久威揚水陸通

飛騰投袂意嬰鏢據鞍翁

時果毅阿公駐營江西舟師既下偵知西岸尚有賊人結

棚自固公提兵往攻連破兩棚賊遂宵遁時公已久病聞報即行督戰竟夕人皆喜公之嬰鏢而不知病由此

增劇烏幕傾將遁雞籌唱未終迴鉦波激蕩捲旆霧冥



濠破膽消通寇攻心散伏戎斷流憑短策下瀨試高艫  
我亦思鳴劍時方讓

賜弓

時

特賜經帶三眼花翎經略表謝不敢受 七旬斯

送喜一戰詎抒忠橫海猷原壯磨崖頌豈工惟聞古有  
志克敵在和衷

老官屯舟中與王衣聞太守夜話

極天戈甲裏來共一燈熒橫槊吟徒和前籌議孰聽櫓  
烟開嶺月竈火亂江星抱刃愁無寐相看髩改青

定邊將軍大司農果毅阿公輓詩

將星西隕五經旬

師次猛拱時有大星  
隕西南光散如斗

藥物寧支盡瘁

身扶掖尙覘乘壘賊

馬伏波事

彌留獨說渡河人

宗忠簡事於公皆紀

實也怒濤橫艦連青嶂靈雨飄旗入紫闥奉含有吳目猶

視

時公長君侍側

知公敵愾志難淪

行帳病中補山同年枉顧夜話有詩見示次韻酬

之

身似殘弓不上檠黃楊暮節鷁初程尊前語咽胸埋壘

帳外人歸血洗兵病枕自營求艾計戰場頻作贈鞭行

時員外郎薩守王衣聞先後入關

太

笑談忽聽穿林礮驚閃秋燈一穗

橫

行帳距賊寨一里許賊人礮九時從帳上過

夜雨再次前韻索補山和之

昌黎詩裏一燈檠未了江湖聽雨程  
萬里重爲衝瘴客  
五更來共臥瘡兵蕭條沙壠邨雞斷  
颯沓風林陣馬行  
料得子荆感秋草軍籌傳處句縱橫

夢中得末二句似宮怨詩三次前韻足成之並邀

述菴同作

夕照歌裊曉廢檠長門一掩路無程  
記垂青幃親宮教  
勅授朱袍肆殿兵熊館風腥嘗獨立  
羊車沙輦未同行  
玉魚不解秋餘熱團扇蛛絲篋自橫

歸次旱塔

一身扶病賊中來卽次休煩候吏猜  
敵壘尙存依老樹

官橋初築上新苔夜林有火昏於霧冬岫無雲暖自雷  
慙愧圖南垂翮鳥歸飛十里已裴回

行帳卽事再次前韻

繞帳羣峯碧自來哦詩到暮僕夫猜刈松炊竈乾於荻  
躡艸鋪裯軟似苔垤蟻作團非避雨溪蚊墮影不成雷  
羽書頻過遲聞捷畫曉聲中坐一回

滇人呼畫  
角爲畫曉

宿戶游

偶爾生還汔未休海萍原任海波浮萬人瘠路土埋骨  
一月戰場霜壓頭被薄生廉知久病櫟疎無節識新郵  
不愁明日登山苦馬戀流泉也欲留

戶游驛站初設邊  
此卽馬膊子山

下馬膊子山山路險滑特甚馬失足而我足亦傷

作此自慰

千里羊腸度憂鳩歸途失足更誰尤病餘真覺乘船似

醉後猶能拓戟不豈必循輿逃一跌

予本坐肩輿以路險如乘馬終

須藤杖托三休蹇人新號從吾好那有天梯走可求

入虎踞關

近關僕馬盡歡聲戶枰場春寫大平賣劍便思爲佃客

棄繻何用識書生誰封抔土無留碣

近關新冢累累云皆北年出征將士

也未塞九泥有駐旌

關爲老官屯郵遞往來要路方駐兵設將於此慙謝候人

迎問疾緣江多少裹劍兵

至隴川宿錢充齋觀察寓舍連得王述葬比部惠  
書並用檠字倡和詩韻賦詩見懷四疊前韻却  
寄兼邀充齋和之

入關初翦故人檠互誦君書算驛程身病獨成岐路客

語長半爲夾江兵昨宵聞礮知猶戰

虎踞關距老官屯約三百里昨宿此

猶聞軍營大礮之聲

明日扶輿悵獨行馬革平生心未已得歸翻

苦涕縱橫

### 酬述葬送歸騰越之作卽次原韻

從軍偕故人其樂勝從宦如何戰場前復有生離患兩

軍夾金沙

秋初進軍子隨經略出萬仞關由大金江西路而進述巷隨將軍出銅壁關由江東而進

相去蓋千餘里  
至新街始復會

荒怪異鄉縣秋餘瘴彌盛寒暑六時亂

蓼辛與荼苦二蟲各嘗徧豈無勞者歌去華直風漢南  
來重握手身在轉疑幻我時病綿惛顛熱神未眩笑談  
灑雨中視子淚翻泣謂我難久留忍作失羣雁念我歸  
途險衛卒起牙頰念我旅處孤作詩炫林館君力寧盡  
及意苦語良善別時感君心別後憶君面知君愁不寐  
提刀夜觀戰五程開兩緘行行血如綫同經小刼身浮  
生無可戀不汗七日死豈必鋒鏑便宗祝亦空祈來去  
有公案眼前事何常窮冬激飛電

酬克齋見贈五疊前韻

棄置終憐照讀檠去程料理到歸程一尊如夢看扶病  
雙髻初華敢論兵作客又逢除歲至唐朱人稱冬至亦曰除夕除歲時距  
至日僅一旬餘矣逢人偏問戰場行官齋乞我支牀地予至騰越將假  
充齋行署以居煮藥烟中劒自橫

### 上杉木籠山

迴梯疊磴接天門半鑿松根半石根馬識歸塗忘病乏

僕思往路幸生存遠連沃隰如龍抱

過山數十里地名龍抱平原沃衍直

潯州

險扼雄關見虎蹲

山與虎踞關相直

爲語碧油幢下士飽

騰急下老官屯

時過彰制府將赴軍營坐語移時而別

重經黃菓樹感舊



依然風景接林垌誰料生歸我獨經他時母翦伐  
最憐此樹亦飄零死喪絕域逢偏數烽火殘年戰未停  
霜葉蕭蕭作愁語今宵忍向枕邊聽

歸抵騰越

落葉空庭撲面飛一燈如豆換征衣百三十日歲云暮

萬五千人吾曰歸

時團老官屯賊寨者萬五千人

長吏繼庖空僕僕老

兵勸酒轉依依

予僕從死亡略盡惟百夫長許登鳳給役甚勤屢瀕於危而不懈軍中無不知

有許某者今尙相依不去也

重衾無限蕭閑夢猶遶江屯鐵甲圍

重晤唐明府

思

生共苦岑見倍親勞歌聲裏翦燈頻萍蓬偶判因風水

茶蓼寧分在苦辛  
頌繫君輸搜粟尉  
禮招我愧執戈臣  
尊前漫作生還祝  
仍是飄零萬里身

至夜示同舍王生

薄寒似水敝裘知  
又是天涯小至時  
尊柄泥人消宿疾  
檐梅如客索新詩  
幸無南雪堆晨鏡  
漸有東風蕩夕帷  
略坐西窗作鄉語  
燭奴已報第三枝

宋州刺

惠綬

招同余別駕

慶長

唐明府

思

集寓齋

小飲分得寒字

短榻疏牕十笏寬  
卜居不信鄭詹難  
最宜野客扶藜至  
十病足須杖而行儘有芳鄰借竹看  
增外林亭頗勝入座梅橫燈影瘦

登盤菜沁露華寒一尊留我無多語歲漸闌時夜未闌  
榮字韻詩倡於補山予凡五疊頃述巷復郵寄五  
章索和督促甚力意在迫我於險無言不讎賦  
此却寄餘四篇卽景成題皆不越一夕中事並  
挑補山和之

天上彤弓已在榮日方南至客東程

時緬甸具箋乞降  
大兵已撤至虎踞

關仲宣賦尙嗟懷土子美詩應快洗兵老去忽驚殘歲

改生還准約故人行昨聞鐵索橋邊路處處梅花馬首  
橫

途王衣聞靈觀歸里

玉匣曾聞貯木檠天教骸骨得歸程

軍中病歿者率委棄淺土君自老官

也回至騰越僅十日而卒得正首邱洵天賜也

到頭已負橫雲宅

我郡橫雲山有君曾王父

相國別業

握手空論下瀨兵千里扶輿吾小泊一朝撤瑟爾

長行

予至騰越君已屬續一日矣

桐鄉遺愛知猶在祠兆何人卜大

橫

君爲寧波守有循聲歸途必經浙中故云

聞補山將至詩以迎之

雄劍藏械弩弛檠梅花蓬裏一程程揚鞭已歷三千里

出萬仞關由猛拱猛養歷新利老官屯入虎踞關約三千餘里

磨盾真過十萬兵話到

薊蕭祛薄病

來書言有腹疾

歸逢楊柳途過行最愁後夜西牕

燭未是離筵淚欲橫

是夕與同舍王生對奕予屢勝戲作

子落文枰花落檠森嚴休鄙一錢程曾從潮上觀兒戲  
最憶淮陰論將兵笑我驚心逢過刦咄他覆手爲爭行  
敢將此局誇全勝殘著分明戰骨橫

和述菴五詩未竟而燭忽灺枕上占此

閃碧熒紅怪出檠

用趙當遇燈檠怪事

忿忿詩債誤嚴程遷延已

目迴三舍悉索猶堪備五兵隔屋荒雞還冷伏緣牀黠  
鼠早微行思君坐待殘宵月又到梅窗弄影橫

題畫

霧花煙箒擁層嵐人在天涯總不堪惟有畫中小桃樹

夕陽紅處似江南

定邊將軍旣振旅回永昌時屆歲除官齋尊酒追  
溯用兵顛末述事抒情輒成聯句八十韻奉呈  
亦勞者思歌之義也

詔撤三年戍趙文哲人依萬里城受降唐節度王昶振  
旅漢營平尚籍邊籌遠文節旋逢歲籥更星霜回暮節  
起烽火息嚴程蓉幕叨陪侍文節椒盤快合併紀勳詞  
磊落昶感事意迴縈在昔承  
恩命文哲於茲習義征重邀

王母福昶益勸丈人貞

公初受  
命督師啓行時詣

皇太后宮門請安

賞資甚渥並傳

諭青餅竹如意皆寓吉識云

穴竄將窮鼠文詰波翻未

翦鯨先聞傾鼎餽昶竟悼結冠纓倉猝殲于遂文詰消

搖散在彭

以上敘揚制府應璩貽誤軍事及將軍明公等在猛育殉節並錫第江木邦兵潰之事

改弦軍政肅昶挾纊士心傾戎略書詩裕文哲儲胥竹

木羸習勞曾運甕昶肄武亦開棚分埒騰駟駱文哲排

困積穰杭威真敷絕微昶念愈軫疲氓勢可乘因壘文

哲功偏待秉衡

以下敘經略赴漢統師進討凡取道諏期公皆悉心籌議往復再三

儀容

諸將攝昶號令一軍驚借箸師中協文詰飛符閫外行

周咨常旁午昶秘算必先庚吉日應徐卜文哲凶門詎

急爭滾燈據惻憐昶側席費論評薪恐難移爰文韋棋

虞易下枰終朝惟仰屋昶前路遽揚旌萬仞嚴關峙文

哲千重駭浪橫

時公出銅壁關進駐野牛壩督造戰船而經略由萬仞關渡南大金江收撫猛

拱以通西路

蠻雲凝作嶂昶淫雨積爲坑單騎經塗速文哲

枯查問渡輕幸牽巾櫛戀昶得使簞壺迎

猛拱土司渾覺光已逃匿

因繫其小妻途率夷衆請軍門降

況瘁憐家僕文哲平安報遠仵言期

姬旦烏昶來就亞夫營

時公已進駐蠻幕新街屢遣夷人問道賞書與經略大軍約期

合此地雙江扼文哲維公隻手撐夾鉢親戮叛昶

時隴川人

蘇明燦段世瑞來往賊塞爲賊致書皆奏誅之

插羽亟徵兵削梯高檣矗文哲

鎔金巨礮轟何須燃斷鎖昶絕勝度浮罍犄角分羣帥



文哲參謀有列荆東西連玉帳水陸應銅鉦會合歡

初沸文哲飛騰氣已盈非緣欺小敵直與奪先聲姑

蔑收空壁文哲餘皇徒斷浜猿亡斯就縛飛禽逸乃遭

抨此敘十月十日新街水戰擊敗賊兵獲其舟并旗纛器械頭目賓雅得詳被創死風緊催帆

飽文哲波濤淬劍瑩官屯趨浩蕩飛賊柵列崢嶸以下敘進

駐老官屯攻圍賊寨之事當轍塘宜捕文哲藏岫虎莫撓越蛙徒自

式昶衛鶴豈堪令忠盡通神鬼文哲恩勤邁父兄有言

皆激奮昶無物不輸誠瘡痍寒猶熾文哲瘡痍力轉勅

鎗煙摧拉雜昶機石擊鏗旬執銳兼持燧文哲臨衝競

挽輞梯危懸碧漢昶隧曲穴青坪俘卒聯徽纒文哲逋

夷驗刺黥

時舟師生獲十餘賊并有自寨逸出來

下游

援漸絕昶中夜謀頻偵裏血方酣戰文哲炊骸遂乞盟

老官屯被圍既久舟師又斷其南來救援賊寨

卑辭函

垂被而阿瓦酋長已具貝葉降書遣使乞款

鏤貝昶吉語應占公赴漢時途中遇善筮者筮得離卦六爻皆不動偃武之兆也時

值文淵病文哲羣欽諸葛名

時經略抱病緬人來乞降者公論遣之

至誠

孚保虜昶大議洽豪英表餌幾全握文喆韜鈴術盡屏

盤根裏獨苦昶省括計彌精待振虞階舞文哲微調傳

相羹旋師符

勅旨昶

軍中方受降而中旨適下已令撤兵

請命爲婆憚納款求陳幣

文哲抒忱謝宰牲懽呼喧爨爨昶感泣遍柴荆臘後蛩

催織文哲

滇中冬候  
蟲聲不絕

春前續試耕殺看消枉矢和瑞定

表華萃遠譯風諧律文哲新郊雪散霏

連日  
得雪朝

天歸上輔和計日近元正

經略於嘉平十  
九日啓行還京

班管停磨盾

文詰琬弓罷繫藥薦辛挑細菜和透甲擘香橙泥飲蛆

浮羹文哲徵歌雁拍筆燕私蒙欸欸和鴻論劇觥觥烏

本期頭白文哲魚還念尾顏仲宣仍逆旅和元叔剩餘

生夢寐嗟相對文哲然疑忍共明追思從袴褶和哲欲

掃機槍匪尙犁庭績文哲終酬攬轡情居恒時若厲和

履險道能亨偉節強哉矯文哲嘉謨展也成畫圖垂紫

閣和

平定準部回部  
上命圖公形於紫光閣

親爲舉望溢丹瀛猷壯推方叔文哲知深荷晏嬰用脫  
越石願從元白後起驃樂載同賡緬甸卽古驃國唐章  
父事部元微之自樂天皆有詩紀事

媚隅集卷四終

已酉四月既望  
男秉淵恭校